

Arkiv: <arkivID><jplD> FE-223, TI-&00
JournalpostID:
Sakshandsamar:
Dato: 18.08.2021

Saksframlegg

Saksnr.	Utval	Møtedato
033/21	Ungdomsråd	30.08.2021
032/21	Eldreråd	30.08.2021
032/21	Råd for menneske med nedsett funksjonsevne	30.08.2021
052/21	Utval for oppvekst, kunnskap og kultur	31.08.2021
	Alver kommunestyre	

Kommunale tilskotsordningar kultur og idrett - revidering av retningslinjer

Rådmannen sitt framlegg til vedtak:

Alver kommunestyre godkjenner retningslinjene for tilskotsordningar til kultur og idrett, slik dei ligg ved saka.

Råd for menneske med nedsett funksjonsevne 30.08.2021:

Handsaming:

Fellesframlegg v/Reidar Knutsen:

RMNF verdset at tiltak retta mot menneske med nedsett funksjonsevne er mellom dei som skal prioriterast.

Framlegget vart samrøystes vedteke.

RMNF- 032/21 Vedtak:

RMNF verdset at tiltak retta mot menneske med nedsett funksjonsevne er mellom dei som skal prioriterast.

Eldreråd 30.08.2021:

Handsaming:

Eldrerådet har ingen merknader.

Samrøystes vedteke.

ER- 032/21 Vedtak:

Eldrerådet har ingen merknader.

Ungdomsråd 30.08.2021:

Handsaming:

UR- 033/21 Vedtak:

Ungdomsrådet støttar rådmannen sitt framlegg til vedtak.

Samrøystest vedteke

Utval for oppvekst, kunnskap og kultur 31.08.2021:

Handsaming:

Rådmannen sitt framlegg vart samrøystes vedteke.

OKK- 052/21 Vedtak:

Innstilling i OKK - 31.08.2021:

Alver kommunestyre godkjenner retningslinene for tilskotsordningar til kultur og idrett, slik dei ligg ved saka.

Politisk handsaming

Saka skal til uttale i ungdomsrådet, eldrerådet og råd for menneske med nedsett funksjonsevne.

Saka skal til innstilling i utval for oppvekst, kunnskap og kultur.

Saka skal avgjerast i kommunestyret.

Bakgrunn

Gjeldande retningslinjer for kommunale tilskotsordningar til kultur, idrett og friluftsliv vart vedtekne i Alver kommunestyre den 19.12.2019, sak 050/19, med tilleggspunkt *Kommunestyret ber administrasjonen om ny modell med tidlegare søknadsfrist for tildeling frå 2021.*

Dei tidlegare tre kommunane hadde søknadsfrist på våren. I fleire møte med kulturlivet i 2018/19, knytt til bygginga av den nye kommunen, kom det innspel om å endre søknadsfristen. Innsjela var knytt til at søkjarane burde få avklaring og tildeling tidlegare på året enn før, der det tradisjonelt har vore tildeling på forsommaren kvart år.

Grunna pandemien i 2020/21 har arbeidet med ny modell måtte vente. Samstundes har ein gjennomført to tildelingar etter gjeldande retningslinjer. Desse var utarbeidde både som nyordning og samstilling av dei tre tidlegare kommunane sine retningslinjer og praksis, med blick til aukande kompleksitet og omfang i ein større kommune.

I sak 044/21, den 08.06.2021, sendte Utval for oppvekst, kunnskap og kultur utkast på reviderte retningslinjer på høyring, med frist 10.08.2021. Det er komne inn fire høyringsinnspel til saka.

Hovudpunkt i revideringa:

Endringane i retningslinjene følgjer opp vedtakspunktet om ny søknadsfrist, samt justeringar etter evaluering av dei to første tildelingsåra.

Søknadsfrist og tildelingstidspunkt

Hovudtildelinga har i dag frist 1. mars og tildeling i månadsskiftet mai/juni. Tilleggstildelinga til prosjekt har søknadsfrist 1. september med tildeling oktober/november.

Revideringa fremjar ny søknadsfrist for hovudtildeling 15. november med tildeling i månadsskiftet januar/februar. Tilleggstildelinga til prosjekt er fremma med søknadsfrist 15. april med tildeling mai/juni.

Søkjarar vil i tilfelle få handsama søknadane tidleg på året, og før årsmøta deira. Dette vil kunne skape større føreseielegheit, samstundes som ein ikkje vil ha behov for å ettersende vedlegg, sidan årsmøta er gjennomført ved neste søknadsfrist.

Årshjulet for søkjar vil vere (1) svar søknad, (2) årsmøte, (3) søknad for neste år.

Tydeleggjering av driftstilskot og prosjekttilskot

Revideringa ryddar i oppstillinga og presiserer kva som gjeld for og av driftsordningar og prosjektordningar. Vidare presiserer ein kven som kan søkje til desse ordningane i høve praksis og behov, med blick til ordninga med fleirårlege tilskot som forvalta i økonomiplanhandsaminga.

Fire ordningar er tatt ut i høyringsutkastet, og ein er justert

- a. Driftstilskot til scenekunst og -formidling. Føremålet med ordninga var å tydeleggjere denne delen av

kulturfeltet i ei eiga ordning, men erfaringa viser at dette kan forvaltast under driftstilskot til andre.

- b. Tilskot til musikkonkurransar. Ordninga har hatt få søknadar, òg før pandemien, og kan verke skeivfordelane. Det vurderast at spissing av dei etablerte driftsordningane til musikkfeltet, samt tydeleggjeringa av prosjekttildelingane kan forvalte behovet.
- c. Kjapt svar har hatt som føremål å kunne forvalte uforventa behov innan kultur- og idrettsfeltet, utan å måtte vise til halvårlege søknadsfristar. Søknadstilfanget viser at det i liten grad vert søkt etter slike behov, søknadane i stor grad vert avvist, og at omsøkte tiltak i hovudsak høyrar heime i dei halvårlege prosjekttildelingane.
- d. Ordninga knytt til nærmiljøanlegg og periodiske satsingar viser seg å vere krevjande å skilje ad frå prosjekttildelingane, med få søknadar, og behovet bør forvaltast i prosjekttildelingane.
- e. Friluftsfeltet er fremja ut av driftstilskotsordninga til idrett og lag tilslutta det frivillige skyttarvesen. Inkluderinga har hatt som føremål og tydeleggjere behova i friluftsfeltet, men søknadstilfanget viser at søkjarane bør forvaltast under driftstilskot til andre. Lag tilslutta det frivillige skyttarvesen vert i revideringa framleis forvalta under ordninga, med omsyn til det nære tilhøve mellom skyttaranlegga og idrettsleg aktivitet, og spelemiddelinnettinga.

Justering av stipendordningane

Revideringa justerer stipenda tydelegare i retning arbeids- og etablerarstipend, og konkretiserer forskjellen på kultur- og idrettsprosjekt og stipenda. Eit døme vil vere at kulturprosjekt her bidrar til å gjennomføre eit prosjekt (trykke bok), mens arbeidsstipendet bidrar til tida ein treng (skrive bok). Vidare tydeleggjer ein at lag og organisasjonar kan søkje på vegne av sine utøvarar.

Høyringsinnspel

Høyringsutkastet var på høyring frå 9. juni til 10. august 2021. Det er komne inn fire høyringssvar innan fristen.

Høyringspart	Hovudpunkt	Rådmannens vurdering
Alver idrettsråd	1. Ingen merknadar til endringane	1. Tatt til orientering, endringane er fremja som i høyringsutkastet
Eikanger-Bjørsvik Musikklag	2. Legg til grunn at rammene for tildelingane ikkje vert endra 3. Har ikkje kommentarar til endringa av søknadsfrista 4. Ønskjer tydeleggjering av driftstilskot og prosjekttilskot, og at prosjekt har ei tidsavgrensing, og ikkje kan vere av løpande art 5. Peiker på at Klart Svar-midlane bør delast ut til prosjekttildeling	2. Tatt til orientering, rammer for tildelingane handsamast i økonomiplanen 3. Tatt til orientering. Søknadsfrist er fremja som i høyringsutkastet 4. Presisert i endeleg framlegg 5. Tatt til orientering, tilskota fordelast ut frå rammer for dei ulike felte innan kultur og idrett. 6. Tatt til orientering, rammer

Meland kyrkjekontor	6. Peiker på tilgjengeleg ramme må aukast.	for tildelingane handsamast i økonomiplanen
	7. Stiller seg positive til endra søknadsfrist	7. Tatt til orientering. Søknadsfrist er fremja som i høyringsutkastet
	8. Kommenterar til søknadsskjemaet – medlemstal og tal på arrangement	8. Tildelingane til idrett og musikk fordelast reelt etter medlemstal, dei andre tildelingane skjer etter fagmessig vurdering. Medlemstal og tal på arrangement er ønskjeleg for å få meir kunnskap om søkjarens aktivitetsnivå.
Museumssenteret i Hordaland	9. Føreseielege ordningar eit viktig steg for å sikre tilskot til viktige institusjonar saman med regionale og nasjonale nivå.	9. Tatt til orientering, utkastet legg til rette for eit tydelegare årshjul. Kommunen har òg etablert ny ordning med fleirårlege tilskot
	10. Støtter forslaget om endra søknadsfrist	10. Tatt til orientering. Søknadsfrist er fremja som i høyringsutkastet
	11. Ønskjer å ta ei større rolle regionalt og nasjonalt i høve forvalting og formidling, og har konkrete utviklingsprosjekt. Ønskjer Alver kommune med i dette.	11. Tatt til orientering. Alver kommune og MUHO er formelle samarbeidspartar gjennom samarbeidsavtale og konsolideringa

Vedlegg i saken:

19.08.2021	Alver idrettsråd - Høyringsuttale retningslinjer for tilskot 2021	1599396
19.08.2021	Høyringsuttale frå Meland kyrkjekontor til revidering av retningslinjer for kulturstønad	1599397
19.08.2021	Høyringsinnspel Alver tilskotsordningar 10.08.21	1599398
19.08.2021	Høyringsinnspel revidering av retningslinjer-21/4919	1599399
23.08.2021	Tilskotsordningar kultur og idrett - retningslinjer	1599898